



RINGKASAN DAN RESOLUSI

"Halatuju Radio Amatur Malaysia"



Gabungan Persatuan Radio Amatur Malaysia
Malaysian Amateur Radio League

RINGKASAN DAN RESOLUSI KONVENSYEN RADIO AMATUR MALAYSIA 2013

RINGKASAN


1. Konvensyen Radio Amatur Malaysia 2013 kali pertama yang diadakan pada 6 Julai 2013 ("KRAM2013") telah menjadi pembuka kepada usaha untuk menyatupadu pengamal radio amatur di Malaysia dan lebih penting sekali untuk menggabungkan segala usaha untuk memajukan radio amatur di Malaysiaké tahap yang lebih tinggi dan berkesan.
2. Konvensyen ini adalah suatu usaha untuk membawa semua pengamal radio amatur seluruh Malaysia untuk berjumpa, membincang dan bertukar-tukar idea berkenaan segala masalah, isu dan cadangan berkaitan dengan pembangunan dan halatuju dunia radio amatur di Malaysia.
3. Pelbagai rintangan, cabaran dan pandangan negatif yang dilemparkan kepada KRAM2013 serta Gabungan Persatuan Radio Amatur Malaysia ("MARL") semasa persiapan, cadangan aturcara dan penganjurannya, namun berkat tulus usaha semua pihak ianya berjaya diadakan. Suatu titik sejarah dunia radio amatur Malaysia berjaya diwujudkan.
4. Sessi 1 dan 2 KRAM2013 berjaya mencapai objektif di mana peserta-peserta mendapat maklumat berharga mengenai kehendak regulatori, sejarah, sumbangan, pengalaman 'Old Timers' dan sumbangan pendidikan melalui hobi radio amatur. Walaupun terdapat pertukaran penceramah di mana ketidakhadiran Presiden MARTS dan ASTRA digantikan dengan 9M2RS dan 9M2SLJ, namun ceramah masing-masing membawakan hasil dalam memberi maklumat berguna kepada peserta. Ceramah 9M2PV dan Prof Ir. Dr Ahmad Faizal Mohd Zain mendapat sambutan yang begitu menggalakkan di mana peserta teruja dengan sejarah radio amatur di Malaysia dan bagaimana hobi radio amatur memberi sumbangan yang tidak ternilai kepada sains dan teknologi dunia.
5. Sessi 3 "Suara Hati & Kehendak Warga Radio Amatur" juga berjaya mencapai matlamat di mana peserta digalakkan untuk bersuara memberi pendapat dan komen. Sessi ini dilihat membuka minda dan memberi peluang peserta untuk membangkitkan isu, memberi komen dan idea dalam membangunkan hobi radio amatur di Malaysia. Dapat dirumuskan di sini bahawa peserta adalah sepandapat dengan cadangan masing-masing tanpa mengira persatuan, kelab atau organisasi yang mereka anggotai. Cadangan dan idea yang dibentangkan bukanlah untuk kebaikan individu atau kelab tertentu tetapi ianya adalah untuk kebaikan semua warga radio amatur. Moderator untuk Sessi 3 ialah 9M2AU, 9W2FD, 9W2ZLH dan 9W2FG.
6. Berikut adalah analisa komen dan idea berkenaan isu-isu yang dibangkitkan oleh peserta di dalam sessi 3. Komen, cadangan dan persoalan daripada peserta adalah seperti di Lampiran 1.

ANALISA

7. Terdapat 11 topik yang disentuh oleh peserta dan topik-topik tersebut adalah:
 - a. Peruntukan Radas (Apparatus Assignment)
 - b. Konvensyen
 - c. Pendidikan
 - d. Peperiksaan RAE dan CW
 - e. Aktiviti
 - f. Callsign
 - g. Garispanduan
 - h. Kelulusan Radas (Type Approval)

- i. IARU
- j. Infrastruktur
- k. MARL

Analisa % Isu dan Komen Peserta Sessi 3 KRAM2013 (mengikut topik)



8. Peruntukan Radas ("Apparatus Assignment")

- a. Isu-isu dan cadangan berkaitan Peruntukan Radas ("Apparatus Assignment") mendapat perhatian paling tinggi para peserta. Peserta meminta agar yuran pendaftaran, proses dan tahunan dimansuh atau dikurangkan. Cadangan juga diutarakan agar warga emas radio amatur diberi pengecualian.
- b. Cadangan juga diberikan agar band 40m diperuntukkan kepada Peruntukan Radas Kelas B. Tidak terhad kepada ini, ada cadangan agar 'mode', kuasa pancaran serta mode digital dibenarkan kepada Kelas B.

9. KRAM

- a. Komen berkenaan dengan KRAM juga mendapat perhatian peserta. Komen-komen yang diberikan adalah bersifat positif untuk KRAM2014 dapat dianjurkan dengan lebih berjaya. Ramai peserta yang memberi cadangan untuk memperhebatkan publisiti berkenaan dengan KRAM yang akan tentunya menarik penyertaan yang lebih besar dari segenap masyarakat.
- b. Ada peserta yang bertanyakan mengapa MARTS tidak menyertai KRAM2013 dan moderator telah menjelaskannya bahawa semua persatuan radio amatur di Malaysia telah dijemput dengan rasmi melalui surat, email dan panggilan telefon. Untuk MARTS, surat rasmi telah dihantar kepada Presidennya namun, Presidennya telah dengan hormat menyatakan ketidakhadirannya untuk KRAM2013.

10. Pendidikan

- a. Topik Pendidikan menjadi topik yang dilihat memperolehi banyak cadangan-cadangan yang diutarakan oleh peserta. Peserta banyak mencadangkan agar modul-modul teknikal, operasi peralatan dan persiapan untuk RAE dan CW diwujud dan diselaraskan untuk rujukan 'pre' RAE dan 'post' RAE.
- b. Bahan-bahan berkenaan ilmu pengetahuan Radio Amatur juga disarankan dipelbagai serta disediakan dalam bentuk video untuk kemudahan rujukan.
- c. Saranan juga dibuat oleh peserta agar ilmu pengetahuan 'Old Timers' dijadikan bahan rujukan untuk kebaikan generasi akan datang.

11. Peperiksaan RAE dan CW

- a. Cadangan juga diajukan agar ujian CW dipermudahkan.
- b. Terdapat cadangan yang menarik di mana usaha 9W untuk berhubung dinilaikan melalui jumlah QSL Card yang diperolehi dan ini dijadikan pengukur untuk pemegang lesen Kelas B untuk mendapat lesen Kelas A tanpa mengambil CW.
- c. Saranan juga dibuat kepada SKMM agar RAE dinaiktaraf kepada tahap MLVK agar kelulusan RAE mempunyai nilai.
- d. Contoh soalan RAE, teknik peperiksaan RAE dan CW juga perlu diadakan
- e. Peserta juga mencadangkan agar RAE dan CW dapat diadakan pada bila-bila masa untuk kemudahan calon-calon.

12. Aktiviti

- a. Peserta menyarankan agar persatuan dan kelab mempelbagaikan aktiviti radio amatur sama ada di peringkat kebangsaan atau di kawasan masing-masing.
- b. Bidang aktiviti dan kepakaran radio amatur seperti APRS dan Weather Station diperluaskan agar ianya dapat menyumbang kepada masyarakat.
- c. KRAM perlu diadakan pada setiap tahun; mini konvensyen juga perlu diwujudkan di peringkat kawasan atau wilayah.

13. Callsign

- a. Peserta mempersoalkan mengapa perlu rujuk dan mendapatkan sokongan MARTS untuk mendapat event callsign atau mendapatkan sokongan 9M dari MARTS untuk memohon callsign individu.

- b. Peserta juga mencadangkan agar callsign radio amatur dipamerkan di kenderaan pemegang lesen.

14. Garispanduan

- a. Peserta menyarankan agar SKMM mewujudkan 'focus group' untuk penambahbaikan Garis Panduan Radio Amatur agar ianya dapat diperbaiki dari masa ke semasa.

15. Kelulusan Radas (Type Approval)

- a. Peserta inginkan SKMM untuk mengemaskinikan senarai radas radio amatur agar ianya sentiasa mengandungi senarai terkini peralatan radio amatur untuk memudahkan permohonan kelulusan dan import.
- b. SKMM juga dicadangkan agar mengadakan perbincangan dengan pihak berkaitan untuk memansuhkan fee oleh pihak SIRIM yang dikenakan kepada Radio Amatur dan juga mengecualikan cukai peralatan radio amatur.

16. IARU

- a. Peserta mempersoalkan perwakilan MARTS di IARU sama ada ianya untuk ahli-ahli MARTS atau untuk semua radio amatur di Malaysia. Untuk ini, moderator menjelaskan bahawa MARTS, di bawah AJK baru telah memperbaharui yuran tahunan IARU dan ini memberi petanda yang baik bahawa MARTS akan lebih aktif dan berkesan menjadi wakil Malaysia di IARU. MARL akan terus menyokong usaha MARTS ini.

17. Infrastruktur

- a. Peserta mencadangkan agar SKMM menyediakan repeater kebangsaan untuk manfaat semua radio amatur Malaysia.

18. MARL

- a. Peserta mencadangkan agar MARL memperluaskan aktivitinya ke seluruh negara. MARL, melalui ahli-ahli persatuannya akan merancang lebih banyak aktiviti yang mana penyertaannya terbukan kepada semua warga radio amatur Malaysia.

RESOLUSI

Hasil daripada ringkasan cadangan, pandangan, komen daripada peserta KRAM2013 di atas, MARL dengan ini mencadangkan agar resolusi Konvensyen Radio Amatur Malaysia 2013 seperti berikut:

1. MARL akan menghantar Ringkasan dan Resolusi Konvensyen Radio Amatur Malaysia 2013 ini kepada Kementerian Komunikasi dan Multimedia Malaysia dan Suruhanjaya Komunikasi Multimedia Malaysia untuk penelitian dan tindakan seterusnya;
2. MARL akan mewujudkan kumpulan kerja yang akan berbincang dengan pihak-pihak berwajib dan berkaitan mengenai isu-isu dan cadangan seperti yang dinyatakan di dalam dokumen ini dan akan berusaha agar cadangan-cadangan yang munasabah dapat diterima untuk kebaikan semua pemegang peruntukan radas radio amatur Kelas A dan B di Malaysia. Sebagai permulaan, MARL akan memanggil mana-mana individu warga radio amatur atau mana-mana persatuan untuk menganggotai kumpulan-kumpulan kerja yang akan diwujudkan. Kumpulan kerja yang akan diwujudkan ialah:
 - i. Kumpulan Kerja Pendidikan, RAE dan CW;
 - ii. Kumpulan Kerja Penambahbaikan Garis Panduan Radio Amatur;
 - iii. Kumpulan Kerja Peruntukan Radas Radio Amatur;
 - iv. Kumpulan Kerja Kelulusan Radas; dan
 - v. Kumpulan Kerja Aktiviti Radio Amatur;
3. MARL akan menyedia dan mengusulkan suatu Pelan Pembangunan Radio Amatur Malaysia yang menyeluruh agar halatuju dan pembangunan hobi dan sains radio amatur dapat memanfaatkan semua pengamal radio amatur, masyarakat serta negara. Untuk ini, MARL akan berbincang dengan SKMM serta Kementerian-Kementerian yang berkaitan.

Sekian, ringkasan dan resolusi daripada:

Gabungan Persatuan Radio Amatur Malaysia

Malaysian Amateur Radio League

15 Julai 2013

LAMPIRAN 1

CALLSIGN	TOPIK	ISU, PERSOALAN, KENYATAAN
9M2RDX	Aktiviti	Semasa JOTA sukar mencari Station Master
9W2MNW	Aktiviti	Konvensyen diadakan setiap tahun dan mengadakan program di wilayah oleh MARL
9W2SBD	Aktiviti	Perbanyakkan aktiviti
9W2wdx	Aktiviti	Diperluaskan bidang radio amatur kepada aktiviti seperti APRS dan weather station agar sumbangan radio amatur lebih relevan kepada negara dan masyarakat
9M2AUR	Apparatus Assignment	Menaikkan kuasa pancaran kepada 100W untuk 10M untuk 9W
9M2KRZ	Apparatus Assignment	Memperbanyakkan spektrum 80m, 40m, 15m, 20m kepada 9W
9M2MZ	Apparatus Assignment	Fee dikurangkan setengah dan percuma untuk warga emas
9M2MZ	Apparatus Assignment	Fee pendaftaran dibayar sekali seumur hidup
9M2TRX	Apparatus Assignment	Memansuhkan yuran tahunan dan yuran proses
9W2AFR	Apparatus Assignment	Memperuntukkan agar semua band amatur menyatakan kuasa pancaran yang berbeza dan spesifik
9W2HLT	Apparatus Assignment	Peruntukan radas dikeluarkan kepada calun yang lulus RAE tanpa perlu mendapatkan tandatangan 9M
9W2KJR	Apparatus Assignment	Mengurangkan atau memansuhkan yuran pendaftaran RM60
9W2KJR	Apparatus Assignment	Menambahkan band 40M untuk AA 9W
9W2SBD	Apparatus Assignment	Menambahkan band 40M untuk AA 9W
9W2SBD	Apparatus Assignment	Menambah lebih Mode untuk 9W
9W2VVH	Apparatus Assignment	Hapuskan yuran proses,
9W2VVH	Apparatus Assignment	Emission mode ditambah di dalam AA serta keupayaan digital
9M2AUR	Callsign	Kenapa perlu melalui MARTS untuk mendapatkan tandatangan 9M
9M2ESM	Callsign	Tidak lagi perlu kelulusan MARTS untuk kelab-kelab lain memohon club callsign daripada SKMM
9M2MZ	Callsign	pamir callsign pada kenderaan
9W2MNW	Guideline	SKMM menubuhkan focus group mewakili semua amateur radio untuk penambahbaikan Guideline dan Operating Standards
9W2UMA	Guideline	Menyediakan guideline teknikal dan peruntukan jika ganggu pancaran repeater

9W2WWY	IARU	Adakah perwakilan MARTS di IARU untuk semua radio amatur di Malaysia tidak mengira kelab atau persatuan
9W2HLT	Infrastruktur	SKMM menyediakan pancarulang seluruh negara
9M6MAN	Kelulusan Radas	SKMM mengemaskini senarai peralatan dan radas radio amatur yang dibenarkan untuk diimport (rujuk kepada SKMM Notis 1/6/2004)
9W2MNW	Kelulusan Radas	SKMM mengadakan perbincangan dengan pihak berkaitan untuk memansuhkan/mengecualikan cukai peralatan radio amatur
9M2ESM	Konvensyen	Kenapa MARTS tidak menyertai Konvensyen
9M2RDX	Konvensyen	Kenapa MARTS tidak menyertai Konvensyen
9W2AFR	Konvensyen	Setuju dengan halatuju Konvensyen iaitu Satu Hati dan Satu Halatuju
9W2HLT	Konvensyen	Rekaan menara condong pada Logo Konvensyen diperbetulkan
9W2JAR	Konvensyen	Semua slaid dan bahan-bahan ceramah konvensyen dibukukan dan MARL mengeluarkan newsletter
9W2JAR	Konvensyen	Untuk memanggil lebih banyak wartawan untuk coverage Konvensyen
9W2NCG	Konvensyen	Untuk Konvensyen tahun hadapan, lebihkan iklan di media elektronik
9W2SGN	Konvensyen	Memberitau Kementerian berkenaan publisiti Konvensyen supaya dimuatkan ke E-Press
9M2TRX	MARL	Perluas dan bergerak ke seluruh negara
9M2AGC	Pendidikan	Buku teknikal berkenaan radio amatur diadakan
9W2NCG	Pendidikan	Cara untuk 9M kongsi ilmu dan pengalaman
9W2UMA	Pendidikan	Menyediakan modul pendidikan berkenaan radio amatur untuk semua kelas masyarakat
9W2USM	Pendidikan	Menyediakan video pembelajaran radio amatur ke YouTube
9W2ZKV	Pendidikan	Mewujudkan kelas-kelas teknikal mengenai operasi peralatan radio dsb
9M2AGC	RAE	Memperbanyak latihan RAE dan CW
9M2AGC	RAE	Ujian RAE dinaiktaraf menyerupai MLVK
9M2AUR	RAE	Menyediakan tempat yang lebih sesuai untuk mengambil ujian CW seperti di Pusat Latihan Semboyan, Sg Besi
9M2MZ	RAE	Permudahkan ujian CW dengan 5 hingga 8 wpm
9M2MZ	RAE	Ujian CW dibuat di wilayah-wilayah SKMM dan pada bila-bila masa
9W2MNW	RAE	SKMM mewujudkan sistem Mentor di mana elmers 9M ditauliahkan untuk menganjurkan kelas dan pensijilan novice
9W2NCG	RAE	Mewujudkan contoh soalan RAE, proses dan perkara seterusnya selepas lulus RAE
9W2SBD	RAE	Sekiranya 9W dapat mengumpul 100 QSL Cards atau membuat 50 sessi DXCC, AA dapat dinaik taraf ke 9M tanpa ujian CW